

《中國地方藝文薈萃》編輯會 編

學苑出版社

中國地方藝文薈萃

中國卷·第一輯 貳

中南卷·第一輯

貳

中國地方藝文薈萃

《中國地方藝文薈萃》編委會 編

貴州師範學院內部使用

梁園風雅二十七卷（二）

貴州师范学院内部使用

梁園風雅二十七卷（二）

（明）趙彥復輯

據清康熙四十三年（一七〇四）宋犖刻本影印

梁園風雅卷十四

薛西原

五言律詩

藥室詠

四首

山階穿藥井石室置丹爐壁掛三天字函封五嶽
圖僊人邀對酒玉女伴投壺但逐雲霄去無論日
月徂

寂寥花水上結構羽人廬窗戶生雲閣松杉映月
虛犬靈因試藥鶴老解窺書長揖當塗客榮華不
可如

自知靈氣舊轉覺道情新
露濕星壇夜泉生藥院
春青泥含石髓丹醖起龍鱗
若得金砂就還須贈
所親

移牀開藥錄鍊玉閉丹房
五石終朝轉雙瞳幾歲
方壺中能駐景天上任飛光
永得長生術將留不
死鄉

臺上

臺迴通風榭窗虛近水城
卷簾殘暑去攜手晚涼
生碧樹藏雲暗銀河度月明
醉來愁髣髴只作畫
中行

送同年孔德裕歸省

秋來南國路羨爾采蘭歸驛雨霑青纜江花落綵
衣閒居潘博士休沐謝玄暉他日徵才子相期入
瑣闈

九日同何仲默出郊

九日登高會同人載酒來寒城一以眺秋色正堪
哀零雨晨初霽浮雲午未開南飛有鴻鴈爲爾立
徘徊

駕幸南海子

詔幸芙蓉苑傳言羽獵行三驅陪上將四校出神

兵列戟圍熊館分弓射虎城風雲日暮起偏遶漢
皇營

春日禁中遇雪

紫禁春朝雪花飛綵仗新霧交隨雉尾風引避龍
鱗掌濕金人立窗寒玉女顰翠華沾灑處遙憶屬
車塵

元夕興隆寺觀燈

燈火金仙閣丹青繡佛筵叢林開寶樹大地出紅
蓮梵鏡含明月天香襍彩煙諸公共隨喜吾醉欲
逃禪

海棠畫扇

西蜀繁華樹春深亂蕊紅
還憐綵扇上宛似錦城中
影轉團團月香含細細風
江淹才力減賦爾若
爲工

送董侍御

同時多逐客而我獨憐君
棄置勿復道淒涼不可
聞風波一流落江海遂離分
他日書相及常因西
北雲

省中對雨答王允升

康樂愁霖唱平原苦雨詩
故人歌此曲贈我慰相

思薛荔垂青閣芙蓉泛綠池今朝一尊酒最恨不
同持

石經寺

翠嶽雙林合丹梯一徑懸洞門臨地底石室與天
連文字開龍藏金銀布梵筵茲山實靈異吾欲託
棲禪

七月十五夜對月

嫋嫋涼風夕紛紛零露時秋來看明月風露已如
斯一對西園酌兼懷康樂詩山中有桂樹今夜足
相思

英國公山亭宴集

東第君王賜西園賓客來將軍元好士公子復憐
才玉袖花間出金尊竹下開還須明月上莫畏夕
陽催

八月十五夜翫月

樓敞含風氣筵開墜露文月從今夕滿秋向此時
分影濕當銀漢光斜隔彩雲徘徊接新詠况是鮑
參軍

雪

北極關山闊寒冬雨雪來霧沈玄菟塞風繞白龍

堆胡虜猶深入征人且未回遙思穆天子黃竹有
悲哀

晦日夜集

晦日歸休晚良游惜後時却判長夜飲更賦早春
詩雲霧窗中入星河閣上垂何須花與月行樂始
相宜

江霞

春江變氣候孤嶼發雲霞散影搖青艸流文漾碧
紗紅泥迷燕子丹洞失桃花水宿淹晨暮應憐謝

永嘉

江雲

謝客弄春水江皋生彩雲紛紛初散綺葉葉漸成
文蔽日皆相映流風乍不分何因可持贈欲以慰
離羣

江花

百丈牽江路行穿夾岸花時憐一水曲遠愛數峰
斜林下見垂釣溪邊逢浣紗武陵如在眼髣像羽
人家

江猿

舟行轉江峽處處響哀猿極浦雲方合連山雨正

昏接條時自挂飲水復相援不待三聲盡先傷游
子魂

夏日游道觀

隔竹窺丹洞臨池坐碧沙玉牀盛石髓翠籠貯雲
芽展簟來風色吹笙上月華休論河朔飲詎似醉
流霞

陳真人館中賞荷花作

別館瀛洲麗新花菡萏香紅衣迷日色翠蓋寫波
光雨霽金塘溼風生石檻涼客來修竹下回首見
瀟湘

九日游興隆寺

厭就騷人會欣投釋子家
林風鳴貝葉徑露溼金沙
宴坐依雙樹清齋服九華
晚來歸客倦欲借白牛車

晚坐有懷

落日照樓櫺寒城煙霧中
銜杯對衰菊流目送歸鴻
未覺賞心廢但驚親友空
遙遙此時恨萬里託秋風

謁茂陵祀孝貞太后

一棄東朝養千秋不復歸
夜臺長寂寞月殿少光

輝野露棲金盃山風動玉衣茂陵多碧艸春日自
芳菲

蕭氏園

徑狹寨棠處川平伏檻前華林一何麗碧水復相
鮮魚鳥方堪狎纓綉頓可捐居然謝塵垢不待濯
潺湲

送馬伯循

城隅飲餞地日暮朔風吹征鳥不返顧浮雲相背
馳踟躕意何極歎息涕空垂世路今如此焉知後
會期